



- SENAT -

Broj: 01-1862/17

Sarajevo, 20. 03. 2017. godine

Z A P I S N I K
SA 3. TEMATSKE SJEDNICE SENATA
ODRŽANE 20. 03. 2017. GODINE

Prisutni članovi Senata: prof. dr. Rifat Škrijelj, rektor, prof. dr. Izet Rađo, prof. dr. Aida Hodžić, prof. dr. Aleksandra Nikolić, prof. dr. Maida Čohodar-Husić, prof. dr. Željko Šain i prof. Zijad Mehić, prorektori, Bekir Rovčanin, student-prorektor, prof. dr. Mersad Čuljević, prof. dr. Erdin Salihović (po ovlaštenju), prof. dr. Kemal Kozarić, prof. dr. Šemsudin Mašić (po ovlaštenju), prof. dr. Nedžad Korajlić, prof. dr. Šaćir Filandra, prof. dr. Husnija Kajmović, prof. dr. Samir Čaušević, prof. dr. Dijana Avdić, doc. dr. Selma Škrbo (po ovlaštenju), prof. dr. Salih Fočo, prof. dr. Mustafa Hrasnica, prof. dr. Darko Tomašević, prof. dr. Đerzija Begić-Hajdarević (po ovlaštenju), prof. dr. Almira Hadžović-Džuvo, prof. dr. Refik Hodžić (po ovlaštenju), prof. dr. Merima Čaušević (po ovlaštenju), prof. dr. Drena Gadžo (po ovlaštenju), prof. dr. Hajrija Sijerčić-Čolić, prof. dr. Mustafa Memić, doc. dr. Lejla Kazazić (po ovlaštenju), prof. dr. Mirza Dautbašić, prof. dr. Naris Pojskić, dr. sc. Senija Milišić, dr. sc. Adnan Kadrić, dr. sc. Alen Kalajdzija, te predstavnici Studentskog parlamenta Univerziteta u Sarajevu: Haris Zahiragić, predsjednik SPUS-a, Mirela Mujović, student drugog ciklusa studija Fakulteta za kriminalistiku, kriminologiju i sigurnosne studije, Nadira Alimanović, student prvog ciklusa studija Elektrotehničkog fakulteta, Lamija Hasković, student prvog ciklusa studija Muzičke akademije, Lejla Lasić, student trećeg ciklusa studija Prirodno-matematičkog fakulteta, Mirza Ibrahimović, student drugog ciklusa studija Fakulteta sporta i tjelesnog odgoja.

Ostali prisutni: dr. sc. Suvad Konaković, generalni sekretar Univerziteta u Sarajevu, i gosp. Senad Hasičić, rukovodilac Službe za računovodstvo i finansije Univerziteta u Sarajevu.

Odsutni članovi Senata: prof. Marina Finci, prof. dr. Zuhdija Hasanović, prof. dr. Nihad Fejzić, prof. dr. Nezir Krčalo, dr. sc. Rasim Muratović, direktor Instituta za istraživanje zločina protiv čovječnosti i međunarodnog prava, i Bakir Ganić, student.

Sjednica je počela sa radom u 13:00 sati.

Predsjedavao je rektor prof. dr. Rifat Škrijelj, na čiji je prijedlog usvojen sljedeći

D N E V N I R E D

1. Izvještaj o radu Univerziteta u Sarajevu za 2016. godinu

2. Izvještaj o radu rektora Univerziteta u Sarajevu za period od 1. oktobra do 31. decembra 2016. godine
3. Izvještaj o zbirnom finansijskom poslovanju Univerziteta u Sarajevu za period od 1. januara do 31. decembra 2016. godine
4. Godišnji obračun Rektorata Univerziteta u Sarajevu za period od 1. januara do 31. decembra 2016. godine
5. Tekuća pitanja

T O K S J E D N I C E

Ad-1.

Rektor prof. dr. Rifat Škrijelj dao je uvodna pojašnjenja u vezi sa metodologijom izrade Izvještaja o radu Univerziteta u Sarajevu za 2016. godinu. Tom prilikom je konstatirao da će se u narednom periodu godišnji izvještaji Univerziteta u Sarajevu i to: izvještaj o radu Univerziteta u Sarajevu, izvještaj o radu rektora Univerziteta u Sarajevu, izvještaj o zbirnom finansijskom poslovanju Univerziteta u Sarajevu, godišnji obračun Rektorata Univerziteta u Sarajevu, razmatrati i usvajati u martu tekuće godine.

Zatim se vodila kraća diskusija u kojoj su učešće uzeli: prof. dr. Nihad Korajlić i dr. sc. Senija Milišić.

Po okončanju diskusije, uz prihvaćene korekcije u ponuđenom izvještaju, jednoglasno je donesena

O D L U K A

kojom se usvaja Izvještaj o radu Univerziteta u Sarajevu za 2016. godinu.

Izvještaj će se dostaviti, putem Upravnog odbora Univerziteta u Sarajevu, Ministarstvu za obrazovanje, nauku i mlade Kantona Sarajevo na daljnje postupanje.

Ad-2.

Rektor prof. dr. Rifat Škrijelj upoznao je senatore da će se izvještaj o radu rektora Univerziteta u Sarajevu podnositi Senatu i Upravnom odboru dva puta godišnje. Naredni izvještaj o radu rektora bit će podnijet Senatu u prvoj polovini jula 2017. godine.

Nakon što je rektor prof. dr. Rifat Škrijelj naglasio da će se izuzeti od glasanja o navedenoj tački dnevnog reda, Senat je jednoglasno donio

O D L U K U

kojom se usvaja Izvještaj o radu rektora Univerziteta u Sarajevu za period od 1. oktobra do 31. decembra 2016. godine.

Izvještaj će se dostaviti, putem Upravnog odbora Univerziteta u Sarajevu, Ministarstvu za obrazovanje, nauku i mlade Kantona Sarajevo na daljnje postupanje.

Ad-3. i Ad-4.

Prof. dr. Željko Šain, prorektor za finansije, dao je detaljna pojašnjenja u vezi sa sadržajem Izvještaja o zbirnom finansijskom poslovanju Univerziteta u Sarajevu za period od 1. januara do 31. decembra 2016. godine i Godišnjim obračunom Rektorata Univerziteta u Sarajevu za period od 1. januara do 31. decembra 2016. godine.

Zatim je otvorena diskusija u kojoj su učešće uzeli: prof. dr. Almira Hadžović-Džuvo, prof. dr. Mustafa Hrasnica, prof. dr. Kemal Kozarić, prof. dr. Naris Pojskić, gosp. Haris Zahiragić, prof. dr. Nedžad Korajlić, prof. dr. Šaćir Filandra, prof. dr. Salih Fočo, prof. dr. Rifat Škrijelj, prof. dr. Mirza Dautbašić, prof. dr. Željko Šain i gosp. Senad Hasičić.

U skladu sa stavovima iznesenim u toku diskusije, jednoglasno je donesen sljedeći

ZAKLJUČAK

1. Senat Univerziteta u Sarajevu konstatira da su sve organizacione jedinice Univerziteta u Sarajevu finansijski pozitivno okončale 2016. godinu.
2. Senat konstatira da je zbog nedovoljno uhodane metodologije u primjeni Pravilnika o ostvarivanju i raspolaganju vanbudžetskim prihodima Univerziteta u Sarajevu („Službene novine Kantona Sarajevo“, br. 7/16) evidentiran različit pristup organizacionih jedinica u primjeni odredbi Pravilnika, te se od Ministarstva za obrazovanje, nauku i mlade Kantona Sarajevo traži tumačenje primjene Pravilnika.
3. Nakon što Ministarstvo za obrazovanje, nauku i mlade Kantona Sarajevo dostavi tumačenje primjene Pravilnika o ostvarivanju i raspolaganju vanbudžetskim prihodima Univerziteta u Sarajevu, pristupit će se potpunoj implementaciji Pravilnika od datuma stupanja na snagu, odnosno od 26. 02. 2016. godine.
4. Od Ministarstva za obrazovanje, nauku i mlade Kantona Sarajevo traži se poseban osvrt na primjenu člana 4. Pravilnika o ostvarivanju i raspolaganju vanbudžetskim prihodima Univerziteta u Sarajevu, u smislu mogućnosti prethodnog izmirenja materijalnih troškova organizacionih jedinica Univerziteta u Sarajevu, a prije uplate 10% vlastitih sredstava organizacionih jedinica u Fond za razvoj Univerziteta u Sarajevu.
5. Prilog 2. Izvještaja o zbirnom finansijskom poslovanju Univerziteta u Sarajevu za period od 1. januara do 31. decembra 2016. godine („Pregled budžetskih, vlastitih i ostalih prihoda organizacionih jedinica Univerziteta u Sarajevu za 2016. godinu“) neće biti dostavljen Upravnom odboru Univerziteta u Sarajevu dok se na izvrše detaljne konsultacije između prorektora za finansije Univerziteta u Sarajevu i prodekanâ za finansije kao i šefova računovodstava organizacionih jedinica Univerziteta u Sarajevu s ciljem utvrđivanja metodologije prema kojoj su organizacione jedinice Univerziteta u Sarajevu do sada uplatile novčana sredstva u Fond za razvoj Univerziteta u Sarajevu.
6. Rok za realizaciju tačke 5. ovog zaključka je četvrtak 23. 03. 2017. godine.

Zatim je jednoglasno donesena sljedeća

ODLUKA

Usvaja se Izvještaj o zbirnom finansijskom poslovanju Univerziteta u Sarajevu za period od 1. januara do 31. decembra 2016. godine, čiji je sastavni dio godišnji obračun Rektorata kao i organizacionih jedinica Univerziteta u Sarajevu.

Izvještaj će se dostaviti, putem Upravnog odbora Univerziteta u Sarajevu, Ministarstvu za obrazovanje, nauku i mlade Kantona Sarajevo na daljnje postupanje.

Također je jednoglasno donesena sljedeća

O D L U K A

Usvaja se Godišnji obračun Rektorata Univerziteta u Sarajevu za period od 1. januara do 31. decembra 2016. godine.

Godišnji obračun Rektorata čini sastavni dio Izvještaja o zbirnom finansijskom poslovanju Univerziteta u Sarajevu za period od 1. januara do 31. decembra 2016. godine i dostavlja se, putem Upravnog odbora Univerziteta u Sarajevu, Ministarstvu za obrazovanje, nauku i mlade Kantona Sarajevo na daljnje postupanje.

Ad-5.

a) Na prijedlog rektora prof. dr. Rifata Škrijelja, članovi Senata su diskutirali o utvrđivanju dodatka na osnovnu plaću rektoru i rukovodiocima organizacionih jedinica Univerziteta u Sarajevu. U diskusiji su učestvovali: prof. dr. Rifat Škrijelj, prof. dr. Nedžad Korajlić, prof. dr. Kemal Kozarić i prof. dr. Mustafa Hrasnica.

Zaključeno je da Upravni odbor Univerziteta u Sarajevu na svojoj sjednici čije održavanje je planirano za 28. 03. 2017. godine, a nakon usvajanja izvještaja Univerziteta u Sarajevu za 2016. godinu, u skladu sa važećim zakonskim i podzakonskim aktima, odobri stimulatívni dodatak za rektora i dekane, kao privremenu mjeru do izmjena Zakona o plaćama i naknadama članova organa upravljanja i drugih organa institucija Kantona Sarajevo, kantonalnih javnih preduzeća i javnih ustanova čiji je osnivač Kanton Sarajevo.

b) Prof. dr. Željko Šain informirao je Senat da je Komisija za utvrđivanje Prijedloga teksta izmjena i dopuna Jedinstvenog pravilnika o plaćama, načina utvrđivanja plaća, naknada plaća i drugih primanja zaposlenika, te načinu utvrđivanja naknada drugih lica angažiranih od Univerziteta u Sarajevu (imenovana na sjednici Senata od 22. 02. 2017. godine) sačinila Prijedlog teksta izmjena i dopuna navedenog pravilnika.

Tom prilikom je zaključeno da će se na narednoj sjednici Senata Prijedlog teksta izmjena i dopuna Jedinstvenog pravilnika uputiti u javnu raspravu na organizacione jedinice Univerziteta u Sarajevu, nakon čega će se u prvoj polovini aprila ove godine održati tematska sjednica Senata na kojoj će se ponuđeni tekst izmjena i dopuna razmatrati i usvojiti.

Također će se na narednoj sjednici Senata imenovati komisija koju će činiti predsjednici grupacija nauka/umjetnosti, a koja bi trebala utvrditi visinu cijena koštanja studija po studentu, što će biti jedan od kriterija za raspodjelu tranše koju Univerzitetu dostavlja osnivač, kao i visinu školarina za samofinansirajuće, vanredne i DL studente na Univerzitetu u Sarajevu.

Sjednica je završena u 15:40 sati.

Rektor

Prof. dr. Rifat Škrijelj, s. r.

Zapisničar:

Alma Voloder-Madacki, s. r.